



Broj: T18 0 KT 0014920 20
Brčko, 02.06.2021. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

Z.Z. ...

Što je:

1. Dana 11.12.2019. godine, u Brčko distriktu BiH, iako je znao i bio svjestan da u periodu 2007/2008. godine, nije završio četiri razreda u J.U. Mješovita srednja škola Živinice, niti stekao zvanje "šumarski tehničar", od njemu poznatog lica nabavio falsifikovanu Diplomom o završenoj srednjoj školi J.U. Mješovita srednja škola Živinice, djelovodni broj 05-736/08 od 25.06.2008. godine, te navedenu falsifikovanu diplomu, kao dokaz da posjeduje IV stepen stručne spreme i stručno zvanje "šumarski tehničar", zajedno sa ostalom traženom dokumentacijom, predao Odboru za zapošljavanje, Kancelarija Gradonačelnika, za radno mjesto "lovočuvar" u Odjeljenju za poljoprivredu, šumarstvo i vodoprivredu Vlade Brčko distrikta BiH, a na osnovu koje je komisija za zapošljavanje po utvrđivanju da Z. ispunjava uslove donijela Odluku o izboru Z.Z. na radno mjesto "lovočuvar" na određeno vrijeme, a najduže dvije godine, počev od 28.01.2020. godine,

dakle, lažnu javnu ispravu nabavio radi upotrebe i upotrijebio kao pravu,

2. Dana 10.12.2019.godine, u Brčko distriktu BiH, iako je znao i bio svjestan da u periodu 2007/2008. godine, nije završio četiri razreda u J.U. Mješovita srednja škola Živinice, niti stekao zvanje "šumarski tehničar", niti da mu je izdata Diploma o završenoj srednjoj školi J.U. Mješovita srednja škola Živinice djelovodni broj 05-736/08 od 25.06.2008. godine, službenika Odjela za javni registar Vlade Brčko distrikta BiH, naveo da izvrši ovjeru fotokopije diplome, tako što je, u namjeri ovjere fotokopije diplome službenika doveo u zabludu u pogledu originalnosti dokumenta i istom na uvid predao falsifikovanu Diplomom o završenoj srednjoj školi J.U. Mješovita srednja škola Živinice djelovodni broj 05-736/08 od 25.06.2008. godine, na osnovu čega je službenik, svojim potpisom i pečatom ovjere Odjela za javni registar, broj 1229 potvrdio da je prepis navedene diplome, istovjetan sa njegovim originalom,

dakle, dovođenjem u zabludu nadležnog tijela učinio da ono u javnoj ispravi ovjeri štogod neistinito što treba služiti kao dokaz u javnom prometu,

čime je radnjom opisanom pod tačkom **1.** počinio krivično djelo –Falsifikovanje isprave – iz člana 367. stav (2) u vezi sa stavom (1), a radnjom opisanom pod tačkom **2.** krivično djelo – Ovjeravanje neistinitog sadržaja – iz člana 369. stav (1) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
